

影印

文淵閣四庫全書

第一〇九六冊

北京出版集團公司
北京出版社

欽定四庫全書

集部

彭城集卷一至四

詳校官庶吉士臣馬履泰

檢討臣何思鈞覆勘

總校官進士臣程嘉謨

校對官編修臣朱紘

謄錄監生臣鍾拔元

欽定四庫全書

集部三

彭城集

別集類二宋

提要

臣等謹案彭城集四十卷宋劉敞撰敞字貢

父疏公非與兄敞同登慶歷六年進士第官

至中書舍人事蹟具宋史本傳稱敞未冠通

五經博覽羣書沈作詰寓簡亦曰國朝六經

之學自賈文元倡之而原父兄弟為最高司

欽定四庫全書

彭城集

馬光修資治通鑑自辟所屬極天下之選而

任史記前後漢書者敞也其知兗毫二州以

不能奉行新法黜監衡州鹽倉哲宗初起知

襄州入為秘書少監錢總草制極稱其詞藝

其後以直龍圖閣出知蔡州孫覺胡宗愈蘇

軾范百祿交薦之言敞博記能文章政事倅

古循吏身兼數器守道不回乃召拜中書舍

人蘇軾草制稱其能讀典墳邱索之書習知

漢魏晉唐之故其後也曾鞏祭文有曰彊學博敏超絕一世肇自載籍孔墨百氏太史所錄俚聞野記延及荒外陰陽鬼神細大萬殊一載以身下至律令老吏所疑故事舊章盈廷不知有問于子歸如得師直貫傍穿水決矢飛一時書林衆俊並馳滿堂賢豪視子塵揮云云蓋一時廷評士論莫不共推即朱子於元祐諸人自洛黨以外多所不滿而語錄云貢父文字工於摹倣學公羊儀禮亦復稱之豈非攷學問博洽詞章奧雅有不可遏抑者乎史載所著諸書有文集五十卷五代春秋十五卷內傳國語二十卷經史新義七卷東漢刊誤四卷詩話二卷漢官儀三卷芍藥譜三卷今所存者自詩話以外惟東漢刊誤散附北監本後漢書中未見孤行之本芍藥譜亦僅而不亡文集則宋史藝文志文獻通

考俱作六十卷明文淵閣書目有彭城集十五冊不列卷數今所傳三劉文集僅有公非集一卷凡詩四首文二十三篇蓋撮拾於散佚之餘多所闕漏即宋文鑑所選者且不盡載其他可知至以劉頴之輔弼召對序誤屬之攷糾繆尤屬顯然殊不足據今檢永樂大典所載篇章尚富蓋即據彭城集收入謹撮拾排比釐為四十卷較之原書所少不過十之一二與新編其兄敬公是集鉅製鴻裁舊觀幾復在北宋諸家中可謂超軼二孔而憑陵兩宋者矣乾隆四十九年十月恭校上

總纂官
臣紀昀
臣陸錫熊
臣孫士毅

總校官
臣陸費墀

欽定四庫全書

彭城集卷一

賦

宋 劉攽 撰

鴻慶宮三聖殿賦

并序 聖此賦見宋文與永樂大典原本互有差訛今校改

臣伏見陛下追述祖考崇奉明祀新作三聖殿以昭孝明功于天下臣以文學中第太常試官祕書目覩盛事不敢以鄙薄自絀輒作古賦一

欽定四庫全書

彭城集卷一

篇以歌詠盛德昔靈光景福之作世稱其美麗然其所謂壯大不出雕刻畫績文彩之煌煌而已又盛道工人之巧民力之衆材木之多金玉之偉臣以謂王者有作則必智者獻其巧壯者輸其力山林不敢愛其材府庫之聚皆所供億也是物理之常不足以夸大臣愚竊陋之若夫天命廢興之際聖王授受之符非敏智通達未有能究知其始終者固難為寡見淺聞者道也

臣竊大之是以畧所陋而張所大不敢仰希風人雅頌之列庶幾有其志云爾

蓋上帝之所以選建明聖命以天位者乃所以享德而報功焉未有德盛于前功播于後而其子孫寂寥千載無聲者也賢哲所談六籍之云德莫著于有虞功莫隆于五臣禹平水土夏如以家司徒后稷是教是食肇商興周歷載數百皐陶大理五刑以明於其苗裔乃興于唐若夫董淳耀以攸司奏庶民之鮮食焚山烈澤害服

欽定四庫全書

彭城集卷一

妖息鳥獸咸若草木允殖固伯益之力焉天報以位俾秦周繼於其子孫誣祖不紹去火即水叛禮尚刑法以慘急然猶并六國一天下而不知變于初二世以斃非天不相朕虞之後乃其否德得罪于祖而斷棄也惟伯益之功未報是以大命復集于趙氏焉五代喪德九土分裂海水橫流民用墊溺鳥獸昌熾黔首失職滔滔惑惑蓋若洪流之未聞於是太祖乘火而帝繼益之功天昨吉土曰惟商丘是為星火大辰之居亦曰明堂布政

之由出潛離隱或躍在淵以有九有百度正焉削禍戡
亂出民塗炭風揮日舒天地正觀荆燕吳蜀楚越梁冀
懾威懷仁奔走失氣崛強者執服柔從者加賜太宗承
之真宗成之登封降禪矢直砥平巍巍乎邈三五而傳
僊彼漢魏之瑣瑣曾何比京夫伯益始掌火而底績茂
宋以火帝興于火墟天之報施豈不昭昭可推而類也
哉且夫積功以凝命而創業因物以胙土由土以建號
樂以反初禮不忘其本是故作于原廟建之別都三聖

欽定四庫全書

彭城集
卷一

鼎列大廈以居以答景貺以昭成功俾子孫知厥所由
億兆仰德而不窮也厥後烈風雲雨電雷震曜儆戒于
下濫炎流燒天子怵于大異反己正德伏念七年乃其
有得曰天以德訓予而以威震予依類託諭予敢不信
夫政不變不足以日新禮不修不足以化民天之示人
若曰政禮之敝雖祖宗之為猶當勿憚乎改更於是詔
三事飭九卿和布撥于舊政載損載益以承天誠以舉
聖職夫既天行而日白矣乃復闕宮獎夫神衷三后在

天對越上穹經之營之不日成之闕偉奇麗所以使宮
寢之勿踰也清閒宵密又鬼神之所都也絜百圍而置
楹兮度千仞以架棟擇一木于萬章兮顧餘羨者猶衆
般僊獲人之儔獻巧而林立兮莫不心競而費用亘長
廓其如城兮闕重門其似洞樂拱桀其如星兮侏儒屹
其承重如輦斯飛如鳥斯革兮誠可慄其將動闔陰房
之密靜兮雖六月其必寒闕陽榮之敞麗兮蓋中夜而
已旦涉廣除而徑上兮每百畫而一級歷青珉之瑩滑

欽定四庫全書

彭城集
卷一

兮曾不得而側立顧風雨之在下兮足以避夫燥濕良
非人力之所為兮宜鬼神之攸集於是使夫設色之工
後素之巧想像形容圖寫必效夫其龍顏日角天質之
顯昂兮臣乃今知真人之異表於是駕鑾輅登玉蚪千
乘萬騎雲動而景附兮想平生之豫游旂常繽紛以掩
翕兮鐘鼓軒轟簫管發而啁啾雜魚龍之奇技兮蜿蜒
曼延於道周百神紛而並迎兮出閭闔而御夫龍舟爾
乃川后靜波屏翳息風舳舻相銜若複道之延屬兮亘

千里而相通百工備官而夙設兮棹夫謹呼而奏功惟
吉行之五十兮餘日力而靡窮既屆既止威儀若初以
幸夫壽宮乃即前楹以修祀事威神如在望之可畏殫
金玉以備用罄飛潛以薦味帷帳莞簟之安肆几杖筆
研之儲侍靡一物之益闕兮所以廣孝思而盡心志也
守臣侍祠罔不矜飾既事而旋闕而莫覲列仙之儒偃
佺之倫迎神頌祇於其側若夫祝融重黎相土閼伯固
已喜動乎魄情見乎色護清蹕而睎盛德也巍巍大哉
欽定四庫全書

彭城集
卷一

五

不可得而記已且夫天命之不忘人主之大寶也祖宗
之有繼子孫之勿替也茲聖王所以正統垂業超商邁
周卹嗣錫羨貽厥孫謀使萬有千歲得以睎風而承流
也遂作頌曰
崇崇商丘大火主兮曰宋之興道是配兮建邦設都以
有九土兮有皇上帝明德輔兮伯益之功邈不可忘兮
三聖承承有烈光兮奕奕寢廟神翱翔兮胥千萬年尚
無疆兮

葦所居賦 并序

治平三年秋京師大雨涌水出民舍多墊壞者
予所居獨完整無恙及雨止加葦其垣墻因為
小賦

蹟至理之茫昧兮同寓形于一區任所遇之則然兮夫
孰賢而孰愚彼每正而或禍兮亦用拙而自如雖背阪
而向隍兮將愈乎廣廈之宴居歲荒落之淫雨兮涌雖
出而為災汨波流之罔極兮浩潺湲而無涯棟梁圯而

欽定四庫全書

彭城集
卷一

六

弗支兮堂壇蕩而為溪何昔日之高明兮今直委而汙
泥彼攜持之與抱負兮或耄耄之與孩嬰念獨不保其
闔廬兮亦有朱戶之亡其閑闕將鬼瞰之使然兮固天
理平其不平也愧予居之僻陋兮豈擇處而淹留四鄰
聳而逋逃兮恨衆人之我尤福莫大於無過兮顧舍此
其何求葦垣墻而圯壞兮其托喻以監予曰全生之近
道兮念無厭其所居云爾

寫憂賦

悲四序之驟失兮哀逝者之不復春與秋其幾何兮霜
與露其俱續稚呱呱而既食兮墓積草而已宿追音聲
而在耳兮悼容色而記目願一見而無期兮情可殺而
逾毒徵圖書於疑似兮索夢魂於因想雖可得其髣髴
兮嗟暫覩而復往盼黃鵠之怨別兮余猶怗其單飛雖
朝雉而泄泄兮牧犢子感而陳詩心鬱悵而怛悵兮何
使予懷之不夷昔聞道於賢者兮雖忘而未信謂生為
勞役兮謂死為歸人今吾百憂之叢中兮既積月而累

欽定四庫全書

彭城集
卷一

七

辰何重負之如是兮願脫去而奚因彼冥然而無知兮
獨甘寢於巨室天地覆墜之不聞兮諒絕世而愉逸伊
聖言之可徵兮悼吾學之不競不室隙於未兆兮顧飲
藥而加病遂迷途而不反兮非智士之能竟排多慮而
去妄兮引至理而自鏡雖既往之不追兮庶來今之能
定

不寐賦

怵鬱悵其馮中兮何鑒寐其弗夷方永夜之未艾兮廓

靜處而長思悼既往之弗及兮慨來今之曷知緒將絕
而復續兮精發越而淫移脩四海其再撫兮泯萬期乎
須臾武勝殷而歸周兮天保定其千億叔旦蕪手三王
兮仰勤思而有獲孔潛精於好學兮致憤懣於無益樂
好善而用魯兮孟見喜乎顏色仁弗遇於衛頃兮願奮
飛而不得繫視氛而見祥兮獻肇謀乎虞號彼遠慮之
與近思兮智與愚皆從其職良民生之多艱兮嗟以心
為形役君子有不安其命兮小民有不度其力非蚊虻

欽定四庫全書

彭城集
卷一

八

之喲庸兮曾內懷於大棘惟昔夢之蘧蘧兮既悵然而
獨寤亮伐柯之不遠兮何內獲而采固睇聖人之大覺
兮繇萬世而不遇幸曲肱而自怡兮度無迷於初度
關蟻賦

邀乾覆而坤載兮固悠遠而無極叢萬族於殿中兮既
生生而息息雖至大之可倪兮猶至精之可識諒擅已
而自用兮羌是非之增積嗟子駒兮何為謚公字小兮
紛紛而離離好惡利害之發兮誰其尸之憑怨積怨兮

交戰而在斯何矜很之若是兮怙恃凌弱之不移欲一
究其端而不得兮聊索數而推之夫其列壤分國穴垣
重襲碩鼠之所不容兮蟬螭不可以徑入豈天壤之偏
隘兮曾分土之汲汲化飯以為子兮祝腐以為民其生
孔易兮其衆實殷夫其子孫千億兮固鮮愛而靡親又
豈有珠玉皮幣兮肇乎禍亂之因若是則闢其可已羣
嬉散游足以已矣奪微寡寡何足美矣豈樹之君而患
亂甫起抑天之有時兮故將雨而不能自止也嗟子兮

欽定四庫全書

彭城集
卷一

九

之愚也嗚呼

秋懷賦

世量力以為智兮孰不自師其成心不强短以被修兮
亦各濟其所任蓋周任之明清兮予嘗服於德音性專
直其似愚兮遂底滯而廢沈惟古人有不遇兮亦奚慨

於斯今昔既冠而從仕兮冀陳力而帥職何日月之不
淹兮疊疊至乎不惑世與我豈其異衷兮增余懷之默
默數廢日而倍參兮願自竭而安得將奔而及事兮愧
初心而變色譬游者之無術兮念愈躁而愈沒荷衆賢
之并容兮曾介善之不遺辱與廉之末舉兮遂以造夫
攸司君之門不可以徑入兮既待詔而歷時惟褊心之
狷狹兮曾繩墨其自持誠詭遇其猶獲兮雖得獸而恥
之信天命之有在兮非知勇其孰勿疑時既秋而涼風
兮草木落而變衰日月麗於西廂兮蟋蟀迅而鳴悲聞
四序之代謝兮既逝者之如斯悼我心之弗獲兮起惆
悵而稱詩

欽定四庫全書

彭城集
卷一

十

射豹賦

悲抗獨之難立兮何有用之必害不信孚於弗爭兮雖
忘懷其獲罪齒恒足以自保兮而隕奪於多輩彼南山
之珍獸喻變化於君子或隱霧而不食亦胥疏而視履
猛毅資於天成文彩蔚乎自己伊麋鹿之強圉與麀麋

之儼儼雖騰超其不羈固指掌之所昧何衆吠之折折
兮羌朋很而曹戾競張目而涎吻兮衆遮道而覲伺諒
勇怯之不敢兮非乃心之攸畏忽機辟之潛發兮遂解
脰而喪精爪牙曾不得而少用兮貽檢獨之成名吾固
知夫皮毛之為患兮而黨與之足懲嗟物類之相召兮
必機數之潛用非明哲之周萬兮未有不隳於衆故曰
剗心去智萬人不謀和光同塵乃與道俱彼形謀而成
光與飾慧以矜愚材愈大而增累雖微末而可圖

崆峒山賦 并序

臨汝西有崆峒山其下即廣成澤按莊子黃帝
聞廣成子居于崆峒之上故往見之莊子雖多
寓言無實然此崆峒廣成適皆同處意其真有
所謂廣成子者也又大隗居具茨之山黃帝至
襄城之野而迷皆與崆峒相近事未必皆虛也

予因作崆峒山賦

馳平原之曠曠兮登隱弁之高丘林蓁蓁而雲茂兮樹

參天以相繆鳥哀矜而思侶兮獸銜草而羣遊即崆峒
之舊址兮訪成子之所留烏乎服天下之為至美兮夫
豈知聖人之緒餘獨修身為妙本兮竊靜默以玄虛何
軒轅之徇齊兮而猶特室白茅三月而閒居順下風而
稽首兮曾南面而晏如彼非至人不能以下人兮信崇
高之巨娛謂莊生之寓言兮羌林麓其未改瞻具茨之
髣髴兮知大隗之所在嘗迷道於襄野兮七聖偕而無
悔得要道於牧馬兮稱天師於再拜悲世俗之狹隘兮

疑至言於否甕航污瀆之淺狹兮僭瀛海之浮匯守冥
與之熒燭兮昧白日之輝暉追古人之不可及兮獨臨
風而悲慨彼六相之輔治兮曷四海而弗寧名百物而
垂衣裳兮雲門用而告成尚紆思於荒澤兮勉聞道於
長生豈在野之不可蔽兮固前修之所營眇抽思而成
章兮庶來今而作程

碁賦

惟夫太樸之未判兮圓方渾而無際倏物生而有象兮

迺置同而立異追數起而滋生兮紛萬彙而多事此奕
碁之始置器也於是乎經緯縱橫封畛遠邇包穹昊之
度數兮極厚地之疆理局有上於方罫兮信宇宙之異
此念巧歷所不能究兮茲古今所以甘心而不已也咨
白黑之相反兮譬寒暑之進退寧我盈而彼虛兮況生
殺之與成敗智詐嚴然而並用兮莫不矜多而務大有
一言可以行之者兮惟見幾而得先衆蚩蚩而我隨兮
乃收功於萬全伊昧者之弗察兮雖服膺而拳拳暨應
變而赴敵兮常操末而寘顛或敗形已兆力闢未悟忽
焉顛仆兮乃悔其辨之晚暮與覆車以同軌兮孰若易
轍而遵路或徂快小利死生契闊雖得雋於錙銖兮而
外勢其已奪或決機兩陣間不容思彼多算其泰然兮
既先據于便地謂戡敵而致果兮顧自戕而隕斃論茲
藝之微眇兮奄衆技而首出語之有道兮用之有術誠
巧拙其天子兮莫可得而齊一貴不能得之於賤兮又
況老耆而不屈太上貴德服不以力審布置以陰陽兮

謹裁度於繩墨故撓之者無抗詐之者必北其次狙詐
詭為奮其祕算或見易而守難兮或取近而先遠雖僥
倖而全勝兮亦蹉跌而事反靡精心而極意兮每隨手
而應疾貪彼虛之可乘兮忘己力之未實竊冀幸於弗
覲兮故雖獲而逾失何度量之相越兮乃倍徙而十百
甘受責而無辭兮雖三五而不敵或騰口而攜詐兮或
匿智而叵測或同行而習熟兮或旁觀而少得或乘勢
而亟捷兮或銜利而加惑故每譬於用兵兮擅廟畧於
籌畫必知己而知彼兮保常勝而有獲

詆風穴賦

背崧右洛兮維汝泱泱左界韓鄭兮前關魯陽陵丘曼
延兮土膏脈良生植遂茂兮厥天且長咨飄風兮胡很
而狂乘冬肆威兮怒號以常通晝旦夕兮日月奪光宇
宙昏惑兮顛倒玄黃折枝排根兮松桂毀傷衝空動捷
兮披戶登堂獸亡其曹兮鴻鵠失翔問誰尸之兮底此
不祥曰茲穴之詭異兮竊神之機幽嶮窮奇兮狹中不

夷鼓舞蜚鹿兮招搖南箕平居無事兮淫樂而爾為歷
九州而遐觀兮孰樂土其若此獨蠻夷之僻陋兮乃自
古記之矣邈炎州之荒忽兮汨大海其千里上霧下潦
兮墊隘瘴癘魑魅羣遊兮樂人之死蓄為颶風兮瘡毒
疵癘扶濤駕山兮舟航糜毀歷日旋時兮然後得已西
極曠蕩兮陰磧無垠流沙不波兮瀚海無泉五穀不生
兮蓬棘蓁蓁熱風之來兮天地翳昏觸肥為瘡兮四肢
若燔亦幸有老駝之先知兮嗚呼而告言歸命野獸兮
欽定四庫全書

彭城集
卷一

七

彭城集卷一

欽定四庫全書

彭城集卷二

宋 劉敞 撰

賦

案敞序公是集以律賦列之外集今畧做其意故以律賦列第二卷

卑陶戒舜在知人賦

惟舜德所以大聖非自為其與人而同者蓋擇善而從
之執兩端而用其中志存樂取見一行而莫之禦眾豈
遐遺緬思古人實惟虞氏審萬物之備我體至人之無

欽定四庫全書

彭城集
卷二

一

已蓋夫慮善以動則自用者小焉與人同功而任事者
貴矣察言好問但見其聞斯行之明目達聰孰有夫怨
乎不以若乃耕稼以力陶漁是親試諸難而興事納于
麓以明民然後謳歌之所屬歷數之暨身曷注措之天
若奚持循之日新夫何為哉徒正面而恭已弗可及已
常稽眾以從人且夫羣於人者物莫能離同於善者德
有常主故我總萬彙以兼載人自一言而汎取克協于
帝是以謂之重華尚論其人斯弗忘於稽古譬夫山嶽

之高也其積以細江海之大也其受以虛蓋與其足已而弗及夫孰若忘懷而有餘求福不回顧明德之若此樂告以道靡寸長之失於然則一心之所謀其智也淺一力之所濟其功也鮮故道莫貴于因衆以寧德莫大乎與人爲善不然者安得側微在下九男順而服從登庸受終五臣與而不顯大矣哉不震不盈不伐不矜肆昊天之眷命實億姓之與能是以如氏承風聞昌言而亟拜子淵希德聆介善而服膺世之人行已也專改過而吝以出衆兮爲可任以遜志兮爲必信然後知善與人同巍巍乎其斯以爲舜

欽定四庫全書

彭城集
卷二

五星同色賦

德配淳古祥開上天五星之色同矣四海之民晏然驗以璣衡察齊輝於七政偃夫金革啓昌運於千年眇觀乾文俯稽皇國伊天事之常象何聖人之合德時也懷柔乎窮髮之北服叛乎流沙之域人迹所及萬寓於焉太寧和氣致祥五緯由之齊色觀夫寥寥太清垂文降

精靈臺考象而有舊保章啓占而可明遠而望焉若連珠之並彩陳其數也告繇區之偃兵且夫仁義修則金木爲之興祥禮智用則水火由之凝祐羞五事者莫若信載四象者莫如土倬彼如明絜然物觀候其色兮若一問其名兮有五克明克類喻王道之無偏不縮不盈狀君德之周普是以海內蒙福羣生大同韃橐之令丕顯稼穡之事從隆豈特候於建星當太初之定厯聚于東井告漢祖之成功非皇求于列星惟星依于帝者非

欽定四庫全書

彭城集
卷二

星私於我皇惟皇化於天下赫赫垂象巍巍純嘏察其軌道黎民仰首以觀乎眩彼交光疇人推策而知也甚矣哉天之鑒人也明於視德之逆祥也捷於瞽何精禋之哲哲顧神化之冥冥彼候以非烟紀輪囷於雲端占於半月驗光華於景星語象則幽微推數則疎遠豈若考五精之同色知七兵之盡偃方將升中而告成功視大道之來反

不愧屋漏賦

以君子慎微心
無所媿爲韻

意治身莫若慎獨求仁在乎表微故屋漏之不媿則君子其庶幾誠而明之雖戶白之甚邇禮無違者豈顏厚以蒙譏考垂訓於前經達嘉猷於載記謂夫仁也非顛沛之可捨道也非須臾之能離故中庸之為善欲內外之同致然而十目所視惟愚夫知其不欺一室之間獨至人可以無媿斯蓋擇善圖遠閑邪慮深非曰鬼神之處儼如師保之臨仰瞻西北之隅曾微物覩內省光明之德罔憾余心且夫資之深者處之安為之難者行之

欽定四庫全書

彭城集
卷二

四

慎故不為顯晦以殊節出處而易信達黃中之理常祇若以存誠念陽厭之方豈僥焉而終各衆謂之微以其弗見世謂之隱以其弗聞蹈先覺而秉哲無慙德而集勲邇之足以治下遠焉可以事君謹爾燕居自獲申申之樂仰夫匪隱罔貽負負之文向若識謝鄰幾仁亡由已昧知非乎伯玉違好學於顏子則雖志深媚與寧足適於多慙名或升堂亦深虞於可恥是知觀大者莫若小責有者始於無則善惡不能以理奪賢愚不可以智

誣美子思之著書誠為治本稽衛后之興刺彼實迷途異哉聞與之間尋墨之所猶內深乎戒惕而外齊其居處則夫朝廷鄉黨之中復何虞乎失步

雕蟲小技壯夫不為賦

古人之賦詞約而旨暢今人之賦理弱而文壯屈原宋而瀾漫下卿雲而派宕豈所謂言勝則道微華盛而實喪者哉觀夫緯白經綠叩商命宮以富艷而為主以瀏亮而為工家自以為游二南之域人自以為得三代之

欽定四庫全書

彭城集
卷二

五

風差之毫釐譬無異於畫虎得其糟粕殆有甚於雕蟲亦猶樂府之有鄭衛女工之有紕綺悅目順意蕩心駭耳里人詠嘆其繁聲婦女咨嗟其絕技亦何足薦之宗廟獻之君子哉若乃託興禽鳥致情芻蕘上則恢張乎宮室下則吟詠其笙簫且子虛大人之文無益於諷諫靈光景福之作不出乎斷雕故白玉不毀珪璋安取六義不散體物何有夫殘樸為器者匠氏之罪判詩為賦者詞人之咎亦奚足以計得失辨能否也是以子雲以

無益而自悔枚舉以類得而詆諆故曰童子之功壯夫
不為且使孔氏用賦仲尼刪詩則賈誼升堂而不讓相
如入室而不辭然無益於王道終見譴於聖師豈非君
子務其廣大世人競乎微小故為學者眾好真者少非
龍變乎詩書之林曷蟬蛻乎塵埃之表必若明敦厚之
術閑淫麗之塗言合必乎雅頌道必通乎典謨亦可謂
登高能賦宜為天子大夫

敵弓賦

欽定四庫全書

彭城集
卷二

六

昔桃弧棘矢成周所以服荆楚楛箭石弩明王所以來
東夷伊敵弓之在御亦厥貢之同歸想夫極北窮髮千
里無草殺氣之門回復植物於焉凋槁風霜凜乎無期
冰霰積而皓皓非剛強不能以自存故有生而必老粵
有喬枝是惟陽幹託巖谷而挺本擢雲霓而上冠理堅
厚而密緻根盤深而交貫鷹隼晨擊於其傍羆虎暮嘯
於其畔伊猛毅之攸司雖採擇而可憚爾乃落以斤斧
附其膠漆弭切象以潔白蕭飾樺而柄鬱錯良金於拊

中績鹿斯之殊質豈既弛而不張諒有直而必屈乏繭
絲之為組乃裂革而加褻雖樸質而可喜得漢巧之十
一矧夫俗本射獵士習縱送騁良驥而夸勇腰箠矢而
備用馳突乎荆棘之林蘭轡乎疆圉之眾擇肉而後發
先得而命中皮毛為之寢處滋味得以眾共莫不興利
而除害便已而自奉也豈比夫繁弱之為分器大屈之
為宴好顏高之堅和氏之寶載厥美於史冊歷千古而
擅巧亮萬俗之異便吾安得較美而定客好有系而稱
曰懷柔以禮羈縻以德遠人是以來賓大弓為其貢職
向使威武不競乎金革文告不行乎邦域是弓也足資
乎凶器彼人也孰匪其敵國

欽定四庫全書

彭城集
卷二

七

彭城集卷二

欽定四庫全書

彭城集卷三

宋 劉攽 撰

五言古詩

擬古六首

南轅適郢都日與冥山背
重生與徇名夙昔不相待
藜羹采薇蕨芰製蘭為佩
遊樂天地間安知一身外
麒麟關大荒日食星見沫
夷齊餓西山咨嗟爾胡罪

欽定四庫全書

彭城集
卷三

澤陂生芙蓉映此蒲與荷
彼美不可逢憂心涕滂沱
行樂在及時株林起酣歌
歡宴未渠央國門擁干戈
巫臣視不悟室家嬰禍羅
謀已既不忠孰能為若多

趙王飛龍駕翱翔紅天闕
塵土暫反顧金玉高如山
自喻固適志超遙亡愧顏
安知馬服子軍破不得還
前亡四十萬後復困邯鄲
虛盈固天理循環乃無端
覺寐已不殊何況百歲間
嗟嗟道傍子萬金非所安

秦昭登西山恭與大帝游
頽林刊喬木詔世為博壽
富

貴良未厭夸謾豈知尤投龜
詬蒼蒼楚靈輕九州塗窮
乾谿旁衆散不可留徘徊餓
山澤覺失涓人疇新王固
有命玉衣被纍囚

嵯峨三神山浩蕩仙聖游
金臺冠絕景玉果垂千秋
龍伯日已侵巨鼇幸無憂
波濤各一隅但見雲氣浮
跂予望可及隱約清淺流
大帆交問津長風輒回舟
不怨道路邈所悲到無由
世主自甘心仙者非有求

老萊隱窮楚因與時世隔
暮歸怪車轍夜起避山澤
若

欽定四庫全書

彭城集
卷三

人不可見況肯低顏色
安知叢臺下一旦三千客
西邊竟不還嗟哉少良畫

讀黃寺丞十月十三日寄原甫詩因同作

寒日流短明涼風起秋色
嗷嗷鴈展翔悄悄蛩夜織
節物悲旅人天地亦行客
心事已如翁但知頭未白
黃公青雲氣疇昔振六翮
成紀獨不侯長沙嘗遠謫
賣瓜青門外種豆南山側
浩歌寫窮愁我預聞損益
外事來無涯開口笑不得
惟當林下遊相存度阡陌

續董子溫詠陶潛詩八首

佳魚樂潛深智鳥不遠飛達人避形役逝與風波辭逍遙彭澤下聊然三逕資

好酒宜恡情讀書不求解天真任自我淳白忘機械鼎鼎世上名百年竟何賴

嘉樹每交蔭時鳥初變聲欣然環堵居自覺軒冕輕予亦葛天民千歲同此情

馬隊待賢士久知喧且卑周生自晚悟徂謝仍響隨豈

欽定四庫全書

彭城集
卷三

若田畝間尊酒時賦詩

時命昔大繆賢傑同隱淪陶公晉卿族晚節恥屈身躬耕抱羸疾嗟哉畝畝勤

道術既分裂人人得其偏丹青照千載始覺真檢全爾時揚仁風到今猶慄然

貴生未必全徇名良自賊區中共茲患形影相與感神釋乃超然道真於此得

籃輿過山野巾傲賓客既無軒冕拘詎可形骸索富

貴能畏人千秋但慙色

偶作

時命有通塞百齡皆謂然流行自非我底滯亦在天地知信百齡陰定不可遷苟云有所繫朝旦猶億年天地無窮期百齡未為縣朝旦不可期人事皆具前所以賢達人放心無所縣萬塗以一究會理寧復偏六月淮水深南風阻歸船客行厭滯淫親朋限長川至言莫與聞達理誰為詮無以謝羈愁聊作言命篇

欽定四庫全書

彭城集
卷三

效白公詩

不得起厭心厭便住不得不得作戀想戀即去不適厭生憎疾業對面為怨賊戀結貪著因轉腳落沈惑上士體自然知慧金剛力中人勤埽除補闕塞瑕隙行莫到門返饑莫看人食欲驗齊死生且觀居官職

默坐念遊者身存至頭白起行觀病者身健有餘力出門視勞者身閒免事役入鄉閱貧者身足飽衣食寓形天地間幸已不失職奈何不自休汲汲復戚戚大鵬彌